


禮書綱目 十八之二十





漢書門			
三	一	天	八
二	二	二	三
冊	架	函	號

內閣文庫			
二	八		漢
七	三		書
四	三		
函	二		
一	五		
三			
架	冊	號	類

內閣文庫		
番號	漢	8235
冊數	32	( 9)
函號	274	88







禮書綱目卷之十八

婺源江永編

凶禮一

喪服

喪服

經鄭目錄云天子以下死而相喪衣服年月親疎隆殺之禮不忍言死而言喪喪者棄亡之辭若全存居於彼焉已亡之耳喪

子夏傳疏曰傳者不知是誰人所作人皆云孔子弟子卜商字子夏所為案公羊傳是公羊高所為公羊高是子夏弟子今案公羊傳有云者何何以曷為孰謂之等今此傳亦云得為子夏所作也其傳內更云傳者是子夏引他舊傳以證己義

右篇目○小宗伯辨吉凶之五服

五服王及公卿大夫士之服○春官大

斬衰裳苴經杖絞帶冠繩纓菅屨者

者者明為下出也凡服上曰衰下曰裳麻

在首在要皆曰經經之言實也明孝子有忠實之心故為制此服焉首經象緇布冠之缺項要經象大帶又有絞帶象革帶齊衰以下用布

傳曰斬者何不緝也苴經者麻之有蕢者也苴經大搨左本在下去五分一以為帶齊衰之經斬衰之帶也去五分一以為帶大功之經齊衰之帶也去五分一以為帶小功之帶也去五分一以為帶苴杖竹也削杖桐也杖各齊其心皆下本杖者何爵也無爵而杖者何擔主也非主而杖者何輔病也童子何以不杖不能病也婦人

何以不杖亦不能病也

盈手曰搨搨也中人之搨圍九寸以五分一為殺者象五服

猶假也無爵者假之以杖尊其為主也非主謂衆子也

絞帶者繩帶也冠繩纓條屬右縫冠六升外畢鍛而勿

灰衰三升菅屨者菅菲也外納

屬猶著也通屈一條繩為武垂下為纓著之冠

也布八十縷為升升字當為登登成也今之禮皆以登為升俗誤已行久矣雜記曰喪冠條屬以別吉凶三年之練冠亦條屬右縫小功以下左外畢者冠前後屈而出縫於武也居倚廬寢苦枕塊哭

晝夜無時歡粥朝一溢米夕一溢米寢不脫經帶既虞剪屏柱楣寢有席食蔬食水飲朝一哭夕一哭而已既

練舍外寢始食菜果飯素食哭無時

二十兩曰溢為米一升二十四分升

之一楹謂之梁柱楹所謂梁闇疏猶麤也舍外寢於中門之外屋下壘墜為之不塗墜所謂聖室也素猶故也謂復平生時食也斬衰不書受月者天子諸侯卿大夫士虞卒哭異數 ○三年之喪二十

五月而畢詳見喪服義 ○三年之喪達乎天子父母之喪無

貴賤一也中庸

父

傳曰為父何以斬衰也父至尊也 ○記事親有隱而無

犯隱謂不稱揚其過失也無犯不犯顏而諫論語曰事父母幾諫 左右就養無方左右謂扶

持之方猶常也 服勤至死致喪三年勤勞辱之事也致謂戚容稱其服也

凡此以恩為制 ○檀弓 ○本章為人 ○父母之喪無貴後者齊衰三年章父卒為母通用

賤一也詳見上又本章為人後者齊衰三年章 ○大夫

為其父母兄弟之未為大夫者之喪服如士服士為其

父母兄弟之為大夫者之喪服如士服大夫雖尊不以其服服父母兄

弟嫌若踰之也士謂大夫庶子為士者也已卑又不敢

服尊者之服今大夫喪禮逸與士異者未得而備聞也

春秋傳曰齊晏桓子卒晏嬰斃衰斬苴經帶杖菅履食

粥居倚廬寢苦枕草其老曰非大夫禮也曰唯卿為大

夫此平仲之謙也言己非大夫故為父服士服耳麤衰

斬者其縷在齊斬之間謂縷如三升半而三升不緝也

為父服異者有麤衰斬枕草矣其為母五升縷而四升

為兄弟六升縷而五升乎唯大夫以上乃能備儀盡飾

士以下則以臣服君之斬衰為其父以臣從君而服之

之服仕至大夫賢著而德成適子大夫之庶子為大夫

則為其父母服大夫服其位與未為大夫者齒雖庶子得服其

服尚德也使齒於士不可不宗適○雜記○本章為人

後者齊衰三年章父卒為母齊衰杖期章父在為母通

用○大夫降其庶子其孫不降其父祖不厭孫也大夫

服小○齊晏桓子卒晏嬰羸縗斬斬不緝之也縗在苴

經帶杖菅屨以苴為經及帶杖竹杖食鬻居倚廬寢苦

枕草此福與士喪禮略同其異唯枕其老曰非大夫之

禮也時之所行士及大夫縗服各有不同晏子曰唯卿

諸侯為天子

傳曰天子至尊也○記方喪三年詳見○君為天子三

年夫人如外宗之為君也外宗君外親之婦也其夫與

諸侯為天子服斬夫人亦從服諸侯為兄弟服斬妻從服期

期喪大記曰外宗房中南面世子不為天子服遠嫌

服與畿外之民○司服凡喪為天王斬衰疏曰云凡喪

君

傳曰君至尊也天子諸侯及卿大夫有地者皆曰君○事君有犯而無隱

既諫人有問其國政者可以語其左右就養有方不可

服勤至死方喪三年方喪資於事父凡此以義為制檀弓 ○公之喪諸

達官之長杖謂君所命雖有官職不達於君則不服斬 ○與諸侯為兄

弟者服斬謂卿大夫以下也與尊者為親不敢以輕服服之諸侯者明雖在異國猶來為三年也

○小 ○大夫之適子為君夫人大子如士服大夫不世子不嫌也

士為國君斬小君期大子君服斬臣從服期 ○服問 ○外宗為君夫人猶內宗也

皆謂嫁於國中者也為君服斬夫人齊衰不敢以其親服服至尊也外宗謂姑姊妹之女舅之女及從母皆是

也內宗五屬之女也其無服而嫁於諸臣者從為夫之君嫁於庶人者從為國君 ○雜記 ○不杖期章為夫之

君齊衰三月章庶人為國君通用

父為長子不言嫡子通上下也亦言立嫡以長

傳曰何以三年也正體於上又乃將所傳重也庶子不

得為長子三年不繼祖也此言為父後者然後為長子三年重其當先祖之正體又

以其將代己為宗廟主也庶子者為父後者之弟也言庶者遠別之也小記曰不繼祖與禰此但言祖不言禰

容祖禰 ○記於所為後之兄弟之子若子本經 ○庶子

不為長子斬不繼祖與禰也詳見喪服義又大傳庶子不得為長子三年一條亦

同

為人後者

傳曰何以三年也受重者必以尊服服之何如而可為之後同宗則可為之後何如而可以為人後支子可也

為所後者之祖父母妻妻之父母昆弟昆弟之子若子

若子者為所為後之親如親子 ○記為人後者為之子 詳見喪通禮王後章○父條致

喪三年父母之喪無貴賤一也大 ○為殤後者以其服

夫為其父母並此條通用當互考 服之 言為後者據承之也殤無為人父 ○孔子曰宗子

為殤而死庶子弗為後也 族人以其倫代之明不序昭穆立之廟其祭之就其祖而

已代之者至其禮○曾子問

妻為夫

傳曰夫至尊也 ○記婦人不為主而杖者姑在為夫杖

姑不厭婦 ○小記

妾為君

傳曰君至尊也 妾謂夫為君者不得體之加尊之也雖士亦然

女子子在室為父 女子子者子女也別于男 布總箭筓鬢

衰三年 此妻妾女子子喪服之異於男子者總束髮謂之總者既束其本又總其末箭筓篠也鬢露紛也猶

男子之括髮斬衰括髮以麻則鬢亦用麻也蓋以麻自項

而前交於額上卻繞紛如著慘頭焉小記曰男子冠而婦

人笄男子免而婦人鬢凡服上曰衰下曰裳此但言衰不

言裳婦人不殊裳衰如男子衰下如深衣深衣則衰無帶

無衽 傳曰總六升長六寸箭筓長尺吉筓尺二寸 總六升者

數長六寸謂出紒 ○記女子子在室為父母其主喪者 首飾象冠



不杖則子一人杖

女子子在室亦童子也無男昆弟使同姓為攝主不杖則子一人杖謂長

女也許嫁及二十而笄笄為成人成人正杖也○小記○齊衰三年章父卒為母齊衰杖期章父在為母通用

子嫁反在父之室為父三年

謂遭喪後而出者始服齊衰期出而虞則受以三年之喪

受既虞而出則小祥亦如之既除喪而出則已凡女行於大夫以上自嫁行於士庶人曰適人

記為父母喪未練而出則三年既練而出則已未練而

反則期既練而反則遂之

小記○齊衰三年章父卒為母通用

公士大夫之眾臣為其君布帶繩屨

士卿士也公卿大夫厭於天子諸侯故降

其眾臣布帶繩屨貴臣得伸不奪其正

傳曰公卿大夫室老士貴臣其餘皆眾臣也君謂有地

者也眾臣杖不以即位近臣君服斯服矣繩屨者繩菲

也室老家相也士邑宰也近臣閭寺之屬君嗣君也斯此也近臣從君喪服無所降也繩菲今時不借也

右斬衰三年

疏衰裳齊牡麻經冠布纓削杖布帶疏屨三年者

疏猶麤也

傳曰齊者何緝也牡麻者枲麻也牡麻經右本在上冠

者沽功也疏屨者蔗蒯之菲也

沽猶麤也冠尊加其麤麤功大功也

衰之經斬衰之帶也去五分一以為帶

見斬衰章○削杖桐

也同上

父卒則為母

尊得伸也

記穆公之母卒

穆公魯哀公之曾孫

使人問於會子曰如之何

居

喪之禮曾子曾參之子名申

對曰申也聞諸申之父曰哭泣之哀齊

斬之情饘粥之食自天子達

子喪父母尊卑同○檀弓○齊衰杖期章父在為母

用通

繼母如母

傳曰繼母何以如母繼母之配父與因母同故孝子不

敢殊也

因猶親也

慈母如母

傳曰慈母者何也傳曰妾之無子者妾子之無母者父

命妾曰女以為子命子曰女以為母若是則生養之終

其身如母死則喪之三年如母貴父之命也

此主謂大夫士之妾

無子妾之子無母父命為母子者其使養之不命為母子則亦服庶母慈己者之服可也大夫之妾子父在為母大功則士之妾子為母期矣父卒則皆得伸也

也為祖庶母可也

謂父命之為子母者也即庶子為後此皆子也傳重而已不先命之與適

妻使為母子也緣為慈母後之義父之妾無子者亦可命己庶子為後

○小記○子游問曰喪

慈母如母禮與

如母謂父卒三年也子游意以為國君亦當然禮所云者乃大夫以下父所使

妾養孔子曰非禮也古者男子外有傅內有慈母君命

所使教子也何服之有

言無服也此指謂國君之子也大夫士之子為庶母慈己者服

小功父卒 乃不服 昔者魯昭公少喪其母有慈母良及其死也

公弗忍也欲喪之有司以聞曰古之禮慈母無服據國君也

良善也謂之慈母固為其善國君之妾子於禮不服也

昭公年三十乃喪齊歸猶無感容是不少孤又安能不

忍於慈母此非昭公 明矣未知何公也 今也君為之服是逆古之禮而亂

國法也若終行之則有司將書之以遺後世無乃不可

乎公曰古者天子練冠以燕居公弗忍也遂練冠以喪

慈母喪慈母自魯昭公始也

母為長子

公之言又非也天子練冠以燕居蓋謂庶子王為其

傳曰何以三年也父之所不降母亦不敢降也

以己尊降祖 禰之正體 ○記母為長子削杖嫌服男子當杖竹也

於子為己 ○妾為君之長子與女君同不敢以恩輕輕

也○小記 同 ○妾為女君君之長子惡笄有首布總本經 ○妾從

女君而出則不為女君之子服妾為女君之黨服得與

猶為子期妾於義 絕無施服○小記

右齊衰三年

疏衰裳齊牡麻經冠布纓削杖布帶疏屨期者

傳曰問者曰何冠也曰齊衰大功冠其受也總麻小功

冠其衰也帶緣各視其冠

問之者見斬衰有三其冠同今齊衰有四章不知其冠之

異同爾緣如深衣之緣今文無冠布纓

父在為母

傳曰何以期也屈也至尊在不敢伸其私尊也父必三

年然後娶達子之志也

一也斬衰父條父母之喪無貴賤也大夫為其父母為人後者

條為所後者之妻若子女子在室為父條為父母主喪者不杖則子一人杖齊衰三年章穆公之母卒並此

條通用 ○記公子為其母練冠麻麻衣練緣為其妻練

冠葛經帶麻衣練緣皆既葬除之

公子君之庶子也其或為母謂妾子也麻

者總麻之經帶也此麻衣者如小功布深衣為不制衰裳變也詩云麻衣如雪練淺絳也一染謂之練練冠而

麻衣練緣三年練之受飾也檀弓曰練練衣黃裏練緣諸侯之妾子厭於父為母不得伸權為制此服不奪其

恩也為妻練冠 傳曰何以不在五服之中也君之所不

服子亦不敢服也君之所為服子亦不敢不服也

君之所不 服謂妾與庶婦也君之所為服謂夫人與適婦也諸侯

之妾貴者視卿賤者視大夫皆三月而葬 ○本經記

○王子有其母死者其傅為之請數月之喪公孫丑曰

若此者何如也曰是欲終之而不可得也雖加一日愈

妻

於已謂夫莫之禁而弗為者也

詳見喪服義

傳曰為妻何以期也妻至親也

君所主夫人妻大子適婦父○記為妻父母在不杖者

在子為妻以杖即位謂庶子  
在不敢盡禮於私喪也  
○祥見喪通禮拜拱章  
○世子不降妻之父母其為妻

也與大夫之適子同見不杖期章大夫  
之適子為妻條  
○公子為其妻

縗冠葛經帶麻衣縗緣既葬除之詳見上條

出妻之子為母出猶去也

傳曰出妻之子為母替則為外祖父母無服傳曰絕族

無施服親者屬在旁而及曰施親者屬母子至親無絕道  
出妻之子為父後

者則為出母無服傳曰與尊者為一體不敢服其私親

也○記為父後者為出母無服不敢以己私廢父所傳重之祭祀○小記○

孔氏之不喪出母自子思始也詳見喪服義

父卒繼母嫁從為之服報

傳曰何以期也貴終也嘗為母子貴終其恩

右齊衰杖期

不杖麻屨者此亦齊衰言其異於上

記期之喪達乎大夫期之喪達乎大夫者謂旁親所降在大功者其正統之期天子諸侯

猶不降也大夫所降天子諸侯絕之不為服所不臣乃服之也○中庸

祖父母

傳曰何以期也至尊也○記父卒然後為祖父後者服

斬詳見本章為君之祖父母條○祖父卒而后為祖母後者三年父祖在則其服如父在為母也○小記

世父母叔父母

傳曰世父叔父何以期也與尊者一體也然則昆弟之子何以亦期也旁尊也不足以加尊焉故報之也父子一體也夫妻一體也昆弟一體也故父子首足也夫妻一體也昆弟四體也故昆弟之義無分然而有分者則辟子之私也子不私其父則不成為子故有東宮有西宮有南宮有北宮異居而同財有餘則歸之宗不足則

資之宗世母叔母何以亦期也以名服也宗者世父為小宗典宗事

者也資取也為姑在室亦如之○為人後者為所後者之昆弟若子詳見

斬衰章為人後者條○記縣子瑣曰吾聞之古者不降上下各以

其親古謂殷時也上不降遠下不降卑滕伯文為孟虎齊衰其叔父也

為孟皮齊衰其叔父也伯文殷時滕君也爵為伯名文○檀弓

大夫之適子為妻

傳曰何以期也父之所不降子亦不敢降也何以不杖也父在則為妻不杖大夫不以尊降適婦者重適也凡不降者謂如其親服服之降有四

品君大夫以尊降公子大夫之子以厭降公之昆弟以旁尊降為人後者女子子嫁者以出降○記世

子不降妻之父母其為妻也與大夫之適子同世子天子諸侯

之適子也不降妻之父母為妻故親之也為妻亦齊衰不杖者君為之王子不得伸也王言與大夫之適子同

據喪服之成文也本所以正見父在為妻不杖於大夫適子者明大夫以上雖尊猶為適婦為主○小記

昆弟昆兄也為姊妹在室亦如之

記大夫為其兄弟之未為大夫者士為其兄弟之為大

夫者如士服詳見斬衰父條○成人有其兄死而不為衰者聞

子舉將為成宰遂為衰成人曰蠶則績而蟹有匡范則

冠而蟬有綏兄則死而子舉為之衰啜兄死者言其衰之不為兄死如蟹

有匡蟬有綏不為蠶之績范之冠也范蜂也蟬蝸也綏為蝸喙長在腹下○檀弓

為眾子

眾子者長子之弟及妾子女子在室亦如之士謂之眾子未能遠別也大夫則謂之庶子降之為大

功天子國君不服之內則曰冢子未食而見必執其右手適子庶子已食而見必循其首

記大夫降其庶子詳見斬衰章父條

昆弟之子

傳曰何以期也報之也檀弓曰喪服兄弟之子猶子也蓋引而進之○記喪

服兄弟之子猶子也詳見喪服義○古者不降滕伯文為孟

皮齊衰其叔父也詳見上世父母叔父母條

大夫之庶子為適昆弟兩言之者適子或為兄或為弟

傳曰何以期也父之所不降子亦不敢降也大夫雖尊不敢降其

適重之也適子為庶昆弟庶昆弟相為亦如大夫為之

適孫

傳曰何以期也不敢降其適也有適子者無適孫孫婦

亦如之周之道適子死則立適孫是適孫將上為祖後者也長子在則皆為庶孫耳孫婦亦如之適婦

在亦為庶孫之婦凡父於將為後者非長子皆期也

為人後者為其父母報

傳曰何以期也不貳斬也何以不貳斬也特重于大宗

者降其小宗也為人後者孰後後大宗也曷為後大宗

大宗者尊之統也禽獸知母而不知父野人曰父母何

算焉都邑之士則知尊禰矣大夫及學士則知尊祖矣

諸侯及其大祖天子及其始祖之所自出尊者尊統上

卑者尊統下大宗者尊之統也大宗者收族者也不可

以絕故族人以支子後大宗也適子不得後大宗都邑之士

則知尊禰近政化也大祖始封之君始祖者感神靈而生若稷契也自由也及始祖之所由出謂祭天也上猶遠也下猶近也收族者謂別親疎序昭穆大傳曰繫之以姓而弗別綴之以食而弗殊雖百世昏媾不通者周道然  
○記夫為人後者其妻為舅姑大功以不貳降也小記

女子子適人者為其父母昆弟之為父後者

傳曰為父何以期也婦人不貳斬也婦人不貳斬者何



也婦人有三從之義無專用之道故未嫁從父既嫁從夫夫死從子故父者子之天也夫者妻之天也婦人不貳斬者猶曰不貳天也婦人不能二尊也為昆弟之為父後者何以亦期也婦人雖在外必有歸宗曰小宗故服期也從者從其教令歸宗者父雖卒猶自歸宗其為父後服重者不自絕於其族類也曰小宗者言是乃小宗也小宗明非一也小宗有四丈夫婦人之為小宗各如其親之服辟大宗○記女子子適人者為其父母婦為舅姑惡笄有首以鬢卒哭子折笄首以笄布總言以鬢則鬢有著笄者明矣傳曰笄有首者惡笄之有首也惡笄者櫛笄也折笄首者折吉笄之首也吉笄

者象笄也何以言子折笄首而不言婦終之也櫛笄者以櫛之


木為笄或曰榛笄有首者若今時刻鏤摘頭矣卒哭而喪之大事畢女子子可以歸於夫家而著吉笄折其首者為其大飾也吉笄尊變其尊者婦人之義也據在夫家宜言婦終之者終子道於父母之恩○本經記○

女君死則妾為女君之黨服攝女君則不為先女君之

黨服妾於女君之親若其親然○雜記○後凡女君之黨通用

繼父同居者

傳曰何以期也傳曰夫死妻釋子幼子無大功之親與之適人而所適者亦無大功之親所適者以其貨財為之築宮廟歲時使之祀焉妻不敢與焉若是則繼父之



道也同居則服齊衰期異居則服齊衰三月必嘗同居

然後為異居未嘗同居則不為異居妻稱謂年未滿五十子幼謂年十五

以下子無大功之親謂同財者也為之築宮廟於家門之外神不歆非族妻不敢與焉恩雖至親族已絕矣夫不可二此以恩服爾

未嘗同居則不服之○記繼父不同居也者必嘗同居

皆無主後同財而祭其祖禰為同居有主後者為異居

錄恩服深淺也見同財則期同居異財故同居今異居及繼父有子亦為異居則服齊衰三月未嘗同居則不

服○小記

為夫之君

傳曰何以期也從服也○斬衰章君條外宗為君夫人猶內宗也此條通用當互考

姑姊妹女子子適人無主者姑姊妹報

傳曰無主者謂其無祭主者也何以期也為其無祭主

故也無主後者人之所哀憐不忍降之

為君之父母妻長子祖父母

傳曰何以期也從服也父母長子君服斬妻則小君也

父卒然後為祖後者服斬此為君矣而有父若祖之喪者謂始封之君也若是繼體

則其父若祖有廢疾不立父卒者父為君○司服凡喪之孫宜嗣位而早卒今君受國於會祖

為王后齊衰王后小君也諸侯為君○記大夫之適子為

君夫人大子如士服詳見斬衰章君條一○外宗為君夫人猶內

宗也上同○君之母非夫人則羣臣無服唯近臣及僕驂

乘從服唯君所服服也妾先君所不服也禮庶子為後為其母總言唯君所服伸君也

春秋之義有以小君服之者時若小君在則益不可○應問

妾為女君

傳曰何以期也妾之事女君與婦之事舅姑等女君君適妻也

女君於妾無服報之則重降之則嫌○記妾為女君惡笄有首布總詳見齊衰

母為長子條

婦為舅姑

傳曰何以期也從服也○記婦為舅姑惡笄有首以髮

詳見上女子子適人者為其父母昆弟之為父後者條○婦當喪而出則除之當喪

當舅姑之喪也出除喪絕族也○小記○叔仲皮學子柳叔仲皮魯叔孫氏之族學教也

子柳仲皮之子叔仲皮死其妻魯人也衣衰而繆經衣當為齊壤字也繆

讀為不樛垂之樛士妻為舅姑之服也言雖魯鈍其於禮勝學叔仲衍以告告子柳言此非也衍

蓋皮之弟請總衰而環經總衰小功之縷而四升半之衍或為皮

輕細而多服此者衍既不知禮之本子柳曰昔者吾喪

姑姊妹亦如斯末吾禁也衍答子柳也姑姊妹在室齊衰與婦為舅姑同末無也言

無禁我欲其言行退使其妻總衰而環經婦以諸侯之大夫為天子之衰弔服之經

服其舅非檀弓○夫為人後者其妻為舅姑大功詳見為人後者為其

父母報條 ○有從輕而重公子之妻為其皇姑○詳見喪服義

功章大夫之妾為君之庶子條

夫之昆弟之子男女皆是

傳曰何以期也報之也○妾服見大功章大夫之妾為君之庶子條

公妾大夫之妾為其子

傳曰何以期也妾不得體君為其子得遂也此言二妾不得從於

女君尊降其子也女君與君一體唯為長子三年其餘以尊降之與妾子同也

女子子為祖父母

傳曰何以期也不敢降其祖也經似在室傳似已嫁明雖有出道猶不降

大夫之子為世父母叔父母子昆弟昆弟之子姑姊妹女

子子無主者為大夫命婦者唯子不報命者加爵服之名自士至上公凡九

等君命其夫則后夫人亦命其妻矣此所為者凡六命夫六命婦

傳曰大夫者其男子之為大夫者也命婦者其婦人之

為大夫妻者也無主者命婦之無祭主者也何以言唯

子不報也女子子適人者為其父母期故言不報也言

其餘皆報也何以期也父之所不降子亦不敢降也大

夫曷為不降命婦也夫尊于朝妻貴于室矣無主者命婦之無祭

主謂姑姊妹女子子也其有祭主者如眾人唯子不報男女同不報爾傳唯據女子子似失之矣大夫曷為不

降命婦據大夫於姑姊妹女子子既以出降大功其適士者又以尊降在小功也夫尊於朝與己同妻貴於室從夫爵也

大夫為祖父母適孫為士者

傳曰何以期也大夫不敢降其祖與適也不敢降其祖與適則可降

其旁親也

公妾以及士妾為其父母

傳曰何以期也妾不得體君得為其父母遂也然則女君有以

尊降其父母者與春秋之義雖為天王后猶曰吾季姜是言子尊不加於父母此傳似誤矣禮妾從女君而服其黨服是嫌不自服其父母故以明之

右齊衰不杖期

疏衰裳齊牡麻經無受者無受者服是服而除不以輕服受之不著月數者天子諸侯葬

異月也小記曰齊衰三月與大功同者繩屨

記齊衰三月與大功同者繩屨雖尊卑異於恩有可同也○小記

寄公為所寓寓亦寄也為所寄之國君服

傳曰寄公者何也失地之君也何以為所寓服齊衰三

月也言與民同也諸侯五月而葬而服齊衰三月者三月而葬其服至葬又更服之既葬而

除之

丈夫婦人為宗子宗子之母妻婦人女子子在室及嫁歸宗者也宗子繼別之後百

世不遷所  
謂大宗也

傳曰何以服齊衰三月也尊祖也尊祖故敬宗敬宗者

尊祖之義也宗子之母在則不為宗子之妻服也○記

宗子孤為殤大功衰小功衰皆三月親則月算如邦人

言孤有不孤者不孤則族人不為殤服服之也不孤謂

父有廢疾若年七十而老子代主宗事者也孤為殤長

殤中殤大功衰下殤小功衰皆如殤服而三月謂與宗

子絕屬者也親謂在五屬之內算數也月數如邦人者

與宗子有期之親者成人服之齊衰期長殤大功衰九

月中殤大功衰七月下殤小功衰五月有大功之親者

成人服之齊衰三月卒哭受以大功衰九月其長殤中

殤大功衰五月下殤小功衰三月有三月其長殤中

服之齊衰三月卒哭受以小功衰五月其殤與絕屬者

同有總麻之親者成人及殤皆與絕屬者同○本經記

### 為舊君君之母妻

傳曰為舊君者孰謂也仕焉而已者也何以服齊衰三

月也言與民同也君之母妻則小君也仕焉而已者謂

致仕者也為小君  
服者恩深於民

庶人為國君不言民而言庶人庶人或有在官者天子畿

君夫人猶內宗也  
此條通用當互考

大夫在外其妻長子為舊國君在外待放  
已去者

傳曰何以服齊衰三月也妻言與民同也長子言未去

也妻雖從夫而出古者大夫不外娶婦人歸宗往來猶

義長子去 ○記違諸侯之大夫不反服違大夫之諸侯

不反服 其君尊卑異也違猶去也去諸侯仕諸侯 ○仕

而未有祿者違而君薨弗為服也 以其恩輕也違 ○孔

子曰管仲遇盜取二人焉上以為公臣曰其所與遊辟

也可人也 言此人可也但居惡 管仲死桓公使為之服

宦於大夫者之為之服也自管仲始也有君命焉爾也

亦記失禮所由也善桓公不忘賢者之舉宦猶仕也此

仕於大夫更升於公與違大夫之諸侯同爾禮不反服

繼父不同居者 嘗同居今不同

記異居則服齊衰三月必嘗同居然後為異居未嘗同

居則不為異居 詳見不杖期章 ○有主後者為異居 同上

會祖父母

傳曰何以齊衰三月也小功者兄弟之服也不敢以兄

弟之服服至尊也 正言小功者服之數盡於五則高祖

祖宜大功高祖宜小功也高祖會祖皆有小功之差則

會孫元孫為之服同也重其衰麻尊也減其日月恩

大夫為宗子

傳曰何以服齊衰三月也大夫不敢降其宗也

舊君 大夫待放未去者

傳曰大夫為舊君何以服齊衰三月也大夫去君歸其

宗廟故服齊衰三月也言與民同也何大夫之謂乎言

其以道去君而猶未絕也 以道去君謂三諫不從待放於郊未絕者言爵祿尚有列

於朝出入有詔於國妻子自若民也

曾祖父母為士者如眾人

傳曰何以齊衰三月也大夫不敢降其祖也

女子子嫁者未嫁者為曾祖父母

傳曰嫁者其嫁于大夫者也未嫁者其成人而未嫁者

也何以服齊衰三月不敢降其祖也 言嫁於大夫者明雖尊猶不降也成人謂年二十已笄醴者也此者不降明有所降○妾為女君之黨服見不杖期章女子子適人者為其父母條

右齊衰三月

大功布衰裳牡麻經無受者 大功布者其鍛治之功麤沽之

子女子子之長殤中殤 殤者男女未冠笄而死可殤者女子子許嫁不為殤也

傳曰何以大功也未成人也何以無受也喪成人者其

文縗喪未成人者其文不縗故殤之經不縗垂蓋未成

人也年十九至十六為長殤十五至十二為中殤十一

至八歲為下殤不滿八歲以下為無服之殤無服之殤



以日易月以日易月之殤殤而無服故子生三月則父

名之死則哭之未名則不哭也緝猶數也其文數者謂變除之節也不樛垂者

不絞其帶之垂者雜記曰大功以上散帶以日易月謂生一月者哭之一日也殤而無服者哭之而已為昆弟

之子女子亦如之凡言子者可以兼男女又云女子子者殊之以子關適庶也○凡傳記言殤者附於下

○記丈夫冠而不為殤婦人笄而不為殤言成人也婦人許嫁而笄

未許嫁與丈夫同○小記○伯姬卒此未適人何以卒據杞叔許嫁

矣婦人許嫁字而笄之字者尊而不泄所以遠別也笄者簪也所以繫持髮象男子飾

也服此者明繫屬於人所以養貞一死則以成人之喪也昏禮曰女子許嫁笄而醴之稱字

治之不以殤禮降也許嫁卒者當為諸侯夫人有即貴之漸○僖九年公羊傳○又文十六年子叔姬卒

傳同○許嫁笄而字之死則以成人之喪治之女子許嫁不為殤死

則以成人之喪治之謂許嫁於諸侯尊同則服大功九月吉笄以象為之刻鏤其首以為飾成人著之○穀梁

傳○戰于郎郎魯近邑也哀十一年齊國書帥師伐我是也公叔禺人遇負杖

入保者息遇見也見走辟齊師將人保罷倦加其杖頸上兩手掖之休息者保縣邑小城禺人昭公

之子春秋傳曰使之雖病也謂時任之雖重也謂時君

子不能為謀也士弗能死也不可君子謂卿大夫也魯政既惡復無謀臣士

又不能死難我則既言矣欲敵齊師與其鄰重汪錡往

皆死焉奔敵死齊寇鄰里也重皆當為童童未冠者之槨姓汪名錡春秋傳曰童汪錡魯人

欲勿殤重汪錡見其死君事有士行欲以成人之喪問治之言魯人者死君事國為斂葬

豐書岡目 卷十八 喪服 三

於仲尼仲尼曰能執于戈以衛社稷雖欲勿殤也不亦

可乎善之○

檀弓

叔父之長殤中殤

姑姊妹之長殤中殤

昆弟之長殤中殤

夫之昆弟之子女子子之長殤中殤

○妾服見大功章大夫之妾為君之庶子

條

適孫之長殤中殤

大夫之庶子為適昆弟之長殤中殤

公為適子之長殤中殤○大夫為適子之長殤中殤

公君也諸

侯大夫不降適殤者重適也天子亦如之

其長殤皆九月纓經其中殤七月不纓經

經有纓者謂其重也自大功以

上經有纓以一條繩為之小功以下經無纓也

右殤大功九月七月

大功布衰裳牡麻經纓布帶三月受以小功衰即葛九月

者受猶承也凡天子諸侯卿大夫既虞士卒哭而受服正言三月者天子諸侯無大功主於大夫士也此雖有君為姑姊妹女子子嫁于國君者非內喪也

傳曰大功布九升小功布十一升

此受之下也以發傳者明受盡於此也又

受麻經以葛經傳曰大功之葛與小功之麻同 ○司服卿大夫其凶服加以

大功小功士其凶服亦如之喪服天子諸侯齊斬而已卿大夫加以大功小功士

亦如之又加總焉○春官

姑姊妹女子子適人者

傳曰何以大功也出也出必降之者蓋有受我而厚之者 ○記姑姊妹

之薄也蓋有受我而厚之者也詳見喪服義

從父昆弟世父叔父之子也其姊妹在室亦如之

記于所為後之兄弟之子若子本經記

為人後者為其昆弟

傳曰何以大功也為人後者降其昆弟也 ○記為人後

者于兄弟降一等報言報者嫌其為宗子不降○本經記

庶孫男女皆是下殤小功章曰為姪庶孫丈夫婦人同

適婦適婦適子之妻

傳曰何以大功也不降其適也婦言適者從夫名 ○記適婦不

為舅後者則姑為之小功謂夫有廢疾他故若死而無子不受重者小功庶婦之服

也凡父母於子舅姑於婦將不傳重於適及將所傳重者非適服之皆如庶子庶婦也○小記

女子子適人者為眾昆弟父在則同父沒乃為父後者服期也

記凡妾為私兄弟如邦人嫌厭降之也私兄弟目其族親也女君有以尊降其兄弟

者謂士之女為大夫妻與大夫之女為諸侯夫人諸侯之女為天王后者父卒昆弟之為父後者宗子亦不敢降也○本經記○妻為女君之黨服見不杖期章女子適人者為其父母條

姪丈夫婦人報為姪男  
女服同

傳曰姪者何也謂吾姑者吾謂之姪妾為女君黨服見  
不杖期章女子子

適人者為  
其父母條

夫之祖父母世父母叔父母

傳曰何以大功也從服也夫之昆弟何以無服也其夫

屬乎父道者妻皆母道也其夫屬乎子道者妻皆婦道

也謂弟之妻婦者是姪亦可謂之母乎故名者人治之

大者也可無慎乎

道猶行也言婦人棄姓無常秩嫁於父行則為母行嫁於子行則為婦行

謂弟之妻為婦者卑遠之故謂之婦姪者尊嚴之稱是姪亦可謂之母乎姪猶嫂也嫂老人稱也是為序男女之別爾若己以母婦之服服兄弟之妻兄弟之妻以舅子之服服己則是亂昭穆之序也治猶理也父母兄弟夫婦之理人倫之大者可不慎乎大傳曰同姓從宗合族屬異姓主名治際會名著而男女有別○妾服見大功章大夫之妾為君之庶子條

大夫為世父母叔父母子昆弟昆弟之子為士者子謂庶子

傳曰何以大功也尊不同也尊同則得服其親服尊同謂亦

為大夫者親服期 ○記大夫降其庶子詳見斬衰父條 ○大夫公之昆

弟大夫之子于兄弟降一等兄弟猶言族親也凡不見者以此求之○本經記

○君之所為兄弟服室老降一等公士大夫之君○同上

公之庶昆弟大夫之庶子為母妻昆弟公之庶昆弟則父卒也大夫之庶子

則父在也其或為母謂妾子也

傳曰何以大功也先君餘尊之所厭不得過大功也大

夫之庶子則從乎大夫而降也父之所不降子亦不敢

降也言從乎大夫而降則於父卒如國人也昆弟庶昆弟也舊讀昆弟在下其於厭降之義宜蒙此傳也

是以上而同之父所不降謂適也

皆為其從父昆弟之為大夫者皆者言其互相為服尊同則不相降其為士者降在小功適子為之亦如之

小功適子為之亦如之

為夫之昆弟之婦人子適人者婦人子者女子子也不言女子子者因出見恩疏○

妾服見下條

大夫之妾為君之庶子下傳曰何以大功也妾為君之黨服得與女君同指為此也妾為君

之長子亦三年自為其子期異於女君也士之妾為君之衆子亦期○女子子嫁者未嫁者

為世父母叔父母姊妹舊讀合大夫之妾為君之庶子女子子嫁者未嫁者言大夫之

妾為此三人之服也

傳曰嫁者其嫁于大夫者也未嫁者成人而未嫁者也

何以大功也妾為君之黨服得與女君同下言為世父

母叔父母姊妹者謂妾自服其私親也此不辭即實為妾遂自服

其私親當言其以見之齊衰三月章曰女子子嫁者未  
嫁者為會祖父母經與此同足以見之矣傳所云何以  
大功也妾為君之黨服得與女君同文爛在下爾女子  
子成人者有出道降旁親及將出者明當及時也○此  
條內妾為君之黨服用○記妾從女君而出則不為女  
與女君同夫黨服用通用○  
君之子服詳見齊衰三年章母為長子條

大夫大夫之妻大夫之子公之昆弟為姑姊妹女子子嫁  
于大夫者○君為姑姊妹女子子嫁于國君者

傳曰何以大功也尊同也尊同則得服其親服諸侯之  
子稱公子公子不得禰先君公子之子稱公孫公孫不  
得祖諸侯此自卑別于尊者也若公子之子孫有封為

國君者則世世祖是人也不祖公子此自尊別于卑者  
也是故始封之君不臣諸父昆弟封君之子不臣諸父  
而臣昆弟封君之孫盡臣諸父昆弟故君之所為服子  
亦不敢不服也君之所不服子亦不敢服也不得禰不  
得祖者不  
得立其廟而祭之也卿大夫已下祭其祖禰則世世祖  
是人不得祖公子者後世為君者祖此受封之君不得  
祀別子也公子若在高祖以下則如其親服後世遷  
之乃毀其廟爾因國君以尊降其親故終說此義云

右大功正服九月

總衰裳牡麻經既葬除之者

傳曰總衰者何以小功之總也

治其縷如小功而成布  
四升半細其縷者以恩

永言終日  
輕也升數少者以服至尊也凡布細而疏者謂之總今南陽有鄧總

諸侯之大夫為天子

傳曰何以總衰也諸侯之大夫以時接見乎天子

接猶會也

諸侯之大夫以時會見於天子而服之則其士庶民不服可知

右總衰既葬除之

小功布衰裳澡麻帶經五月者

澡者治去芻垢不絕其本也小記曰下殤小功帶澡

麻不絕其本屈而反以報之○大功殤章丈大冠而不為殤婦人笄而不為殤此條通用

叔父之下殤

適孫之下殤

昆弟之下殤

大夫庶子為適昆弟之下殤

為姑姊妹女子子之下殤

為人後者為其昆弟從父昆弟之長殤

傳曰問者曰中殤何以不見也大功之殤中從上小功

之殤中從下

問者據從父昆弟之下殤在總麻也大功小功皆謂服其成人也大功之殤中從上

則齊衰之殤亦中從上也此主謂丈夫之為殤者服也凡不見者以此求之也

為夫之叔父之長殤

不見中殤者中從下也○妾服見大功章大夫之妾為君之庶子條

昆弟之子女子子夫之昆弟之子女子子之下殤

○妾服見大功

章大夫之妾為君之庶子條

為姪庶孫丈夫婦人之長殤

大夫公之昆弟大夫之子為其昆弟庶子姑姊妹女子子

之長殤

大夫為昆弟之長殤小功謂為士者若不仕者也以此知為大夫無殤服也公之昆弟不言庶者此

無服無所見也大夫之子不言庶者關適子亦服此殤也云公之昆弟為庶子之長殤則知公之昆弟猶大夫

大夫之妾為庶子之長殤

君之庶子

右小功殤五月

小功布衰裳牡麻經即葛五月者

即就也小功輕三月變麻因故衰以就葛經帶

而五月也間傳曰小功之葛與總之麻同舊說小功以下吉屨無絢也

司服卿大夫凶服加以大功小功士凶服亦如之

詳見大功

章

從祖祖父母從祖父母報

祖父之昆弟之親

從祖昆弟

父之從父昆弟之子

記兄弟皆在他邦加一等不及知父母與兄弟居加一

等

皆在他邦謂行仕出遊若辟仇不及知父母父母早卒

傳曰何如則可謂之兄

弟傳曰小功以下為兄弟

於此發兄弟傳者嫌大功以上又加也大功已上若皆在

他國則親自親矣若不及知父母則固同財矣○本經記

從父姊妹

父之昆弟之女



孫適人者孫者子之子女孫在室亦大功也

為人後者為其姊妹適人者不言姑者舉其親者而恩輕者降可知

為外祖父母

傳曰何以小功也以尊加也○為所後者妻之父母若

子詳見斬衰章為人後者條○記庶子為後者為其外祖父母從母

舅無服不為後如邦人本經○為母之君母母卒則不

服母之君母外祖適母徒從也所從亡則已○小記○傳曰母出則為繼母之

黨服母死則為其母之黨服為其母之黨服則不為繼

母之黨服雖外親亦無二統○服問○此條○出妻之

子為外祖父母無服詳見齊衰杖期章出妻之子為母條○為慈母之父

母無服恩不能及○小記

從母丈夫婦人報從母母之姊妹

傳曰何以小功也以名加也外親之服皆總也外親異姓正服

不過總丈夫婦人姊妹之子男女同○外祖父母條母出則為繼母之黨服此條通用當互考○記庶

子為後者為其從母無服不為後如邦人詳見○夫之

所為兄弟服妻降一等疏曰妻從夫服其族親即上經夫之諸祖父母見於總麻章夫

之世叔見於大功章夫之昆弟之子不降媵叔又無服今言從夫降一等記其不見者當是夫之從母之類乎

○本經記

夫之姑姊妹娣姒婦報夫之姑姊妹不殊在室及嫁者因恩輕略從降○妾服見大功章大夫之妾為君庶子條

傳曰娣姒婦者弟長也何以小功也以為相與居室中

則生小功之親焉娣姒婦者兄弟之妻相名也長婦謂稱婦為娣婦娣婦謂長婦為姒婦

大夫大夫之子公之昆弟為從父昆弟庶孫姑姊妹女子

子適士者從父昆弟及庶孫亦謂為士者

記大夫公之昆弟大夫之子于兄弟降一等詳見大功章大夫為

昆弟為士者條

大夫之妾為庶子適人者君之庶子女子也庶女子子在室大功其嫁於大夫亦大功

庶婦夫將不受重者

記適婦不為舅後者則姑為之小功詳見大功章適婦條

君母之父母從母君母父之適妻也從母君母之姊妹

傳曰何以小功也君母在則不敢不從服君母不在則

不服不敢不服者恩實輕也凡庶子為君母如適子○記為君母後者君母卒

則不為君母之黨服徒從也所從亡則已○小記

君子子為庶母慈己者君子子者大夫及公子之適妻子

傳曰君子子者貴人之子也為庶母何以小功也以慈

己加也云君子子者則父在也父沒則不服之矣以慈亡加則君子子亦以士禮為庶母總也內則曰

異為孺子室於宮中擇於諸母與可者必求其寬裕慈惠溫良恭敬慎而寡言者使為子師其次為慈母其次為保母皆居子室他人無事不往又曰大夫之子有食母庶母慈己者此之謂也其不慈己則總可矣不言師保慈母居中服之可知也國君世子生卜士之妻大夫之妾使食子三年而出見於公宮則劬非慈母也士之妻自養其子

右小功正服五月

總麻三月者總麻布衰裳而麻經帶也不言衰經略輕服省文

傳曰總者十五升抽其半有事其縷無事其布曰總謂

總者治其縷細如絲也或曰有絲朝服用布何衰用絲乎抽猶去也雜記曰總冠縹纓

○記童子唯當室總童子未冠之稱也當室者為父後承家事者為家主與族人為禮於有親者雖恩不至不

可以無服也傳曰不當室則無總服也本經○童子無總服

聽事不麻為幼少不備禮也雖不服總猶免深衣無麻往給事也○玉藻


唯當室總總者其免也當室則免而杖矣詳見喪服義

族會祖父母○族祖父母○族昆弟族會祖父母者會祖昆弟之親也族祖父母者亦高祖之孫則高祖有服明矣

庶孫之婦

庶孫之中殤庶孫者成人大功其殤中從上此當為下殤言中殤者字之誤爾又諸言中者皆連上下也

從祖姑姊妹適人者報



從祖父從祖昆弟之長殤不見中殤中從下

外孫女子子之子

從父昆弟姪之下殤

夫之叔父之中殤下殤言中殤者中從下○妾服見大功章大夫之妾為君之庶子條

從母之長殤報

庶子為父後者為其母

傳曰何以總也傳曰與尊者為一體不敢服其私親也

然則何以服總也有死於宮中者則為之三月不舉祭

因是以服總也君卒庶子為母大功大夫卒庶子為母三年士雖在庶子為母皆如眾人

士為庶母

傳曰何以總也以名服也大夫以上為庶母無服

貴臣貴妾此謂公士大夫之君也殊其臣妾貴賤而為之服貴臣室老士也貴妾姪娣也天子諸侯降其

臣妾無服士卑無臣則士妾又賤不足殊有子則為之總無子則已

傳曰何以總也以其貴也○記悼公之母死母哀公之妾哀

公為之齊衰有若日為妾齊衰禮與譏而問之妾之貴者為之總耳公

曰吾得已乎哉魯人以妻我言國人皆名之為我妻重服嬖妾文過非也○檀弓

乳母謂養子者有他故賤者代之慈己

傳曰何以總也以名服也

從祖昆弟之子族父母為之服

曾孫孫之子

父之姑歸孫為祖父之姊妹

從母昆弟

傳曰何以總也以名服也○小功章為外祖父母條母出則為繼母之黨服此條通

用當互考

甥姊妹之子

傳曰甥者何也謂吾舅者吾謂之甥何以總也報之也

壻女子子之夫也

傳曰何以總也報之也

妻之父母

傳曰何以總從服也從於妻而服之○記有從重而輕為妻之

父母詳見喪服義○世子不降妻之父母詳見齊衰不杖期章大夫之適子為

妻條○有從有服而無服公子為其妻之父母詳見喪服義

姑之子外兄弟也

傳曰何以總報之也

舅母之昆弟

傳曰何以總從服也從於母而服之○小功章為外祖父母條母出則為繼母之黨服此

條通用 ○為所後者之妻之昆弟若子詳見斬衰章為人後者條

當互考 記庶子為後者為其舅無服不為後如邦人詳見小功章外祖父

母

舅之子內兄弟也

傳曰何以總從服也○小功章為外祖父母條母出則為繼母之黨服此條通用當互考

○為所後者妻之昆弟之子若子詳見斬衰章為人後者條

夫之姑姊妹之長殤○妾服見大功章大夫之妾為君之庶子條

夫之諸祖父母報諸祖父母者夫之所為小功從祖祖父母外祖父母或曰曾祖父母曾祖於曾

孫之婦無服而云報乎曾祖父母正服小功妻從服總○妾服見大功章大夫之妾為君之庶子條

君母之昆弟

傳曰何以總從服也從於君母而服總也君母在則不敢不從服君母卒則不服也○小

功章君母之父母條君母卒不為君母之黨服此條通用當互考

從父昆弟之子之長殤

昆弟之孫之長殤

為夫之從父昆弟之妻

傳曰何以總也以為相與同室則生總之親焉長殤中

殤降一等下殤降二等齊衰之殤中從上大功之殤中

從下同室者不如居室之親也齊衰大功皆明其成人也大功之殤中從下則小功之殤亦中從下也此

主謂妻為夫之親服也凡不見者以此求之  
○妾服見大功章大夫之妾為君之庶子條  
右總麻三月

同邑後學 戴揚休  
俞鎮璣 全校

禮書綱目卷之十九

婺源江 永編

補服

凶禮二

補 黃氏曰補服有五有見本經傳記者有見它記者有  
見注疏者又有心喪有弔服悉類而分之以補經文  
缺之

父卒為祖後者服斬 詳見不杖期章為君之父 ○與諸侯

為兄弟者服斬 喪服小記○見 ○女為父喪未練而出則

三年既練而出則已既練而反則遂之 小記○詳見斬衰

室為父三年條下○又案不杖期章為君之父母妻長子  
祖父母疏云天子諸侯父在為祖皆斬衰無期○又云為  
曾祖後者服斬○斬衰章子嫁反在父之室疏云天子之  
女嫁於諸侯諸侯之女嫁於大夫仍為父不降斬衰三年

○斬衰章諸侯為天子條下為天王斬衰疏云諸侯諸臣皆為王斬衰○又斬衰章君條下與諸侯為兄弟者服斬疏云凡與諸侯有五屬之親者皆服斬謂諸侯之尊不可以本親輕服服之○又不杖章為君之父母妻長子祖父母條下為王后齊衰疏云士為國君斬衰○又云大夫之適子為君如士服斬衰○又云天子卿大夫適子為天子當如士服斬衰

右補斬衰

祖父卒而後為祖母後者三年小記○詳見不杖章祖父母條○為所後者之妻若子詳見上斬衰章為人後者傳○女為母喪未練而出則三年既練而出則已既練而反則遂之詳見斬衰章○又案不杖期章祖父母條

祖父卒而后為祖母後者三年疏云若祖卒時父在己雖為祖期今父沒祖母亡亦為祖母三年○總麻章庶子為父後者為其母傳注云大夫卒庶子為母三年○又云士雖在庶子為母皆如眾人○斬衰章子嫁反在父之室疏云天子之女嫁于諸侯諸侯之女嫁于大夫仍為母齊衰三年

右補齊衰三年

為所後者之妻若子詳見斬衰章為人後者傳○又案不杖章祖父母條下祖父卒而後為祖母後者三年注云祖父在適孫為祖母服如父在為母齊衰杖期○不杖章大夫之適子為妻注云大夫之庶子為妻杖期○又云大夫之適子父沒後為妻杖期

右補齊衰杖期

司服凡喪為王后齊衰王后小君也諸侯為不杖期○春官○君為天子三年夫人如外宗之為君也詳見斬衰章諸侯為天子條○外宗為君

豐書綱目

卷一

補服

二

二

二

二

二

二

二

二

二



夫人猶內宗也見斬衰章君條○大夫之適子為君夫人大子如

士服見斬衰章君條○女未練而反則期詳見斬衰章子嫁反在父之室為父三年條

○世子為妻與大夫之適子同見不杖期章大夫之適子為妻條○公子

之妻為其皇姑詳見喪服義○又不杖期章世父父母叔父父母傳注及昆弟注並云為姑姊妹在室亦如之為眾子注云女子在室亦如之黃氏曰姑姊

妹女子子服經無明文見于注疏者有此三條蓋姪之為

姑兄弟之為姊妹父母之為女子子其服如此則在室姑

之為姪在室姊妹之為兄弟在室女子子之為父母及其

餘親其服並當與男子服同○齊衰杖期妻傳注云適子

父在則為妻不杖○王為適孫適曾孫適元孫適來孫皆

齊衰出司服注疏○又案喪服傳云始封之君不臣諸父

昆弟封君之子不臣諸父而臣昆弟天子之義亦當然若

虞舜之與漢高皆庶人起為天子蓋亦不臣諸父昆弟而

有服也○不杖章為君之父母妻長子祖父父母條下為王

后齊衰疏云諸侯諸臣皆為王后齊衰○又云士為小君

期○又云大子君服斬臣從服期○又云大夫適子為夫

人大子如士服期○又云天子卿大夫適子為王后大子

如士服期○又斬衰章君條下與諸侯為兄弟者服斬疏

云兄弟俱作諸侯則各依本服不杖期○大功章大夫之

妾為君之庶子注云士之妾為君之眾子亦期○大功章

適婦條適婦不為舅後者注云凡父母於子將不傳

重於適及將所傳重者非適服之皆如庶子不杖期

右補齊衰不杖期

宗子孤為殤大功衰小功衰皆三月親則月算如邦人詳見

齊衰三月章丈夫婦人詳見○為所後者之祖父母若子詳見

為宗子宗子之母妻條○又案齊衰三月章曾祖注疏云高祖齊

衰三月○斬衰章君條外宗為君夫人猶內宗也疏云內

宗五屬之女嫁於庶人從為國君齊衰三月○齊衰三月

章庶人為國君注疏云天子圻內之民為天子齊衰三月

豐書綱目 卷十九 補服

又總衰章諸侯之大夫為天子疏云圻內為天子齊衰三月則圻外之民不服可知

右補齊衰三月

夫為人後者其妻為舅姑大功見齊衰不杖期章為人後者為其父母報條○

公叔木有同母異父之昆弟死問於子游木當為朱春秋作成衛公叔文

子之子定公疑所服也親子游曰其大功乎者屬大功是狄儀有同母

異父之昆弟死問於子夏子夏曰我未之前聞也魯人則

為之齊衰狄儀行齊衰今之齊衰狄儀之間也檀弓○齊穀

王姬之喪穀當為告聲之誤也王姬周女齊襄公之夫人魯莊公為之大功或曰

由魯嫁故為之服姊妹之服或曰外祖母也故為之服春秋

周女由魯嫁卒服之如內女服姊妹是也天子為之無服嫁於王者之後乃服之莊公齊襄公女弟文姜之子當為

舅之妻非外祖母也外祖母又小功也○檀弓○又案不杖期章大夫之庶子為適昆弟傳注云大夫適子為庶昆

弟大功○又云庶昆弟相為亦大功○小功章大夫之妾為庶子適人者注云君之庶女子在室大功嫁於大夫亦

大功○大功章皆為從父昆弟之為大夫者注云適子於從父昆弟之為大夫者大功○大功章庶孫注疏云女孫

在室大功○又司服疏云天子諸侯為適子之婦大功○又總麻章君卒庶子為母大功

右補大功

適婦不為舅後者則姑為之小功見大功章○為所後者

妻之父母若子詳見斬衰章為人後者傳○又案大功章適婦條下適婦不為舅後者注云舅姑於

婦將不傳重於適及將所傳重者非適服之如庶婦小功○又司服疏云天子諸侯為適孫之婦小功

豐書綱目 卷十九 補服 四

右補小功

公子之妻為公子之外兄弟

謂為公子之外祖父母從母總

○為

所後者之妻之昆弟若子

詳見斬衰章為人後者傳

○為所後者之妻

之昆弟之子若子

同上

○從母之夫舅之妻二夫人相為服

君子未之言也

二夫人猶言此二人也時有此二人同居死相為服者甥居外家而非之

或曰

同爨總

以同居生總之親可○檀弓

○士妾有子而為之總無子則已

士卑妾無男女則不

○改葬總

謂墳墓以他故崩壞將亡失尸柩者也改葬者明棺

物毀敗改設之如葬時也其奠如大斂從廟之廟從墓之墓禮宜同也服總者臣為君也子為父也妻為夫也必服

總者親見尸柩不可以無服

○葬桓王改葬也改葬之禮

總舉下緇也

總者五服最下言舉下緇上從總皆反其故服因葬桓王記改葬之禮不謂改葬桓王當

服總也江熙曰葬稱公舉五等之上改葬禮總舉五服之下以喪緇藐遠也天子諸侯易服而葬以為交於神明者

不可以純凶況其緇者乎是故改葬之禮其服唯輕言緇釋所以總也○莊三年春秋穀梁傳○又案喪服小記以

五為九疏從父昆弟之孫總麻○又云兄弟之曾孫總麻

○總麻章夫之諸祖父母報注疏云夫之從祖祖父母報

兩相為服以夫之外祖父母報推之則外祖父母為女子

父母報推之則兄弟之孫婦總麻

右補總

五世袒免

詳見喪服義

○族之相為也宜免不免有司罰之

詳見

禮吊

禮記

卷之九

補服

五

右補五世祖免

事師服勤至死心喪三年心喪戚容如父而無服也凡此以恩義之間為制○檀弓○

師無當於五服五服弗得不親當猶至也五服斬衰○學記○孔子

子之喪門人疑所服無喪師之禮子貢曰昔者夫子之喪顏淵

若喪子而無服喪子路亦然請喪夫子若喪父而無服無服

不為衰弔服而加麻心喪三年○檀弓○孔子之喪二三子皆經而出尊師也出

謂有所之適然則凡弔羣居則經出則否羣謂七十二弟

子夏曰吾離羣而索居○檀弓○又案家語子游曰吾聞諸夫子喪朋友居則經出則否喪所尊雖經而出可也

○孔子沒三年之外門人治任將歸入掛於子貢相嚮而

哭皆失聲然後歸子貢反築室於場獨居三年然後歸三年

古者為師心喪三年若喪父而無服也任擔也場冢上之壇場也○孟子○孔子葬於魯城北

弟子皆家於墓行心喪之禮家語○又案齊衰杖期章父

期心喪三年

右補心喪三年

無服而為位者唯嫂叔及婦人降而無服者麻雖無服猶

袒免為位哭也正言嫂叔尊嫂也兄公之於弟之妻則不能也婦人降而無服族姑姊妹嫁者也逸奔喪禮曰無服

袒免為位者唯嫂與叔凡為其男子○傳曰夫之昆弟何服其婦人降而無服者麻○奔喪

以無服也其夫屬乎父道者妻皆母道也其夫屬乎子道

者妻皆婦道也謂弟之妻婦者是嫂亦可謂之母乎故名

者人治之大者也可無慎乎詳見大功夫之祖父母世叔父母條○嫂叔之

無服也蓋推而遠之也見喪服義○朋友麻朋友雖無親有同道之恩相為服總

之經帶檀弓曰羣居則經出則否其服弔服也周禮曰凡弔當事則弁經其服有三錫衰也總衰也疑衰也王為三公六卿錫衰為諸侯總衰為大夫士疑衰諸侯及卿大夫亦以錫衰為弔服當事則弁經否則皮弁辟天子也士以

總衰為喪服其弔服則疑衰也舊說以為士弔服布上素下或曰素委貌加朝服論語曰緇衣羔裘又曰羔裘元冠

不以弔何朝服之有乎然則二者皆有似也此實疑衰也其弁經皮弁之時則如卿大夫然又改其裳以素辟諸侯也朋友之相為服即士弔服疑衰素裳庶

人不爵弁則其冠素委貌○喪服篇記○秦莊子死孟

武伯問於孔子曰古者同寮有服乎答曰然同寮有相友

之義貴賤殊等不為同官聞諸老聃昔者號叔閔天太顛

散宜生南宮适五臣同寮比德以贊文武及號叔死四人

者為之服朋友之服古之達禮者行之也孔叢○朋友皆

在他邦袒免歸則已謂服無親者當為之主每至袒時則袒則去冠代之以免舊說云以為

免象冠廣一寸已猶止也歸有主則止也主若幼少則未止小記曰大功者主人之喪有三年者則必為之再祭朋

友虞祔而已○喪服記○又案斬衰章君傳疏云士無臣故僕隸等為之弔服加麻

右補弔服加麻

司服凡弔事弁經服弁經者如爵弁而素加環經論語曰羔裘元冠不以弔經大如總之經其

服錫衰總衰疑衰諸侯及卿大夫亦以錫衰為弔服喪服小記曰諸侯弔必皮弁錫衰則變其冠耳喪服舊說以為

豐書綱目 卷十九 補服 七

豐書綱目 卷十九 補服 七

豐書綱目 卷十九 補服 七

士弔服素委貌冠朝服此近庶人弔服而衣猶非也士當  
事弁經疑衰變其裳以素耳國君於其臣弁經他國之臣  
則皮弁大夫士有朋友之恩亦弁經故書弁作紼  
鄭司農讀紼為弁弁而加環經即弁經服○春官○弁師

王之弁經弁而加環經諸侯及孤卿大夫之弁經各以其  
等為之而掌其禁令詳見制度○凡弁經其衰侈袂同上○司服

王為三公六卿錫衰為諸侯總衰為大夫士疑衰其首服  
皆弁經同上○天子之哭諸侯也爵弁經紵衣服士之祭服

變也天子至尊不見尸柩不弔服麻不加於采此言經衍  
字也時人間有弁經因云之耳周禮王弔諸侯弁經總衰  
也○公為卿大夫錫衰以居出亦如之當事則弁經大  
檀弓

夫相為亦然為其妻往則服之出則否弁經如爵弁而素  
加經也不當事則

皮弁出謂以他事  
不至喪所○服問○諸侯弔必皮弁錫衰所弔雖已葬主  
人必免主人未喪服則君亦不錫衰必免者尊人君為之  
變也未喪服未成服

也既殯成  
服○小記○大夫有私喪之葛則於其兄弟之輕喪則弁  
經私喪妻子之喪也輕喪總麻也大夫降焉  
弔服而往不以私喪之未臨兄弟○雜記○大夫之哭

大夫弁經大夫與殯亦弁經弁經者大夫錫衰相弔之服  
也如爵弁而素加環經曰弁

經  
同上○大夫弔於命婦錫衰命婦弔於大夫亦錫衰命婦  
命婦死也弔於大夫大夫死也小記曰諸侯弔必皮弁錫  
衰服問曰公為卿大夫錫衰以居出亦如之當事則弁經  
大夫相為亦然為其妻往則服之出則否傳曰錫者何也麻之有錫者也錫者  
十五升抽其半無事其縷有事其布曰錫謂之錫者治其  
布使之滑易也

錫者不治其縷哀在內也總者不治其布哀在外也君及卿大夫弔士雖當事皮弁錫衰而已士之相弔則如朋友服疑衰素裳凡婦人相弔喪主素吉吉筭無首素總喪服記○羔裘元冠不以弔喪主素吉異服○季桓子死魯大夫朝服而弔子游問於孔子曰

禮乎夫子不答他日又問夫子曰始死羔裘元冠者易之而已汝何疑焉家語○會子襲裘而弔子游裼裘而弔會子

指子游而示人曰夫夫也為習於禮者如之何其裼裘而弔也會子蓋知臨喪無飾夫夫猶言主人既小斂袒括髮

子游趨而出襲裘帶經而入會子曰我過矣我過矣夫夫是也於主人變乃變也所○衛司徒敬子死司徒官氏公

子夏弔焉主人未小斂經而往子游弔焉主人既小斂子

游出經反哭皆以朋友之禮子夏曰聞之也與曰聞諸夫

子主人未改服則不經同上○魯昭公夫人吳孟子已卒不

赴於諸侯孔子既致仕而往弔焉適於季氏季氏不經孔

子投經而不拜以季氏無禮故子游問曰禮與孔子曰主

人未成服則弔者不經焉禮也家語○又案春秋左氏傳

不纒放經而拜○魯婦人之髻而弔也自敗於臺始也敗於臺

公四年秋也臺當為壺字之誤也春秋傳作狐始時家家

有喪髮而相弔去纒而紒曰髻禮婦人弔服大夫之妻錫

衰士之妻則疑衰與皆吉筭無首素總○檀弓

右補弔服

同邑後學 戴揚休 俞肇綸校  
俞鎮璣

禮書綱目卷之二十

婺源江 永編

喪服變除

凶禮三

補

疾病男女改服

為賓客來問病亦朝服也庶人深衣○喪大記

○養有疾者不喪

服遂以主其喪

謂養者有親也死則當為之主其為主之

服如素

非養者入主人之喪則不易己之喪服

謂養者無

親於死者不得為主其有親來為主者素有喪服而來為

也

養尊者必易服養卑者否

尊謂父兄卑謂子弟之屬○喪服小記

右疾病改服



親始死雞斯徒跣扱上衽交手哭親父母也雞斯當為笄

去笄纚括髮也徒猶空也上衽深衣之裳前○問喪○夫子曰始死羔裘元冠者易

之而已檀弓○曾子問曰親迎女在塗而壻之父母死如之

何孔子曰女改服布深衣縞總以趨喪布深衣縞總婦人

○曾子問○巾車王之喪車木車蒲蔽犬禭尾囊疏飾小服皆

疏詳見制度

### 右始死變服

主人出南面左袒扱諸面之右實米唯盈取滿而已主人襲反

位襲復衣也位在尸東○士喪禮土

### 右飯含變服

小斂環經公大夫士一也雜記○小斂卒斂主人馮之踊主

婦亦如之主人袒說髦括髮以麻婦人髻帶麻於房中既土

殯說髦此云小斂蓋諸侯禮也士之既殯諸侯之小斂於

死者俱三日也婦人之髻帶麻於房中則西房也天子諸

侯有左右房○卒斂馮尸主人髻髮袒衆主人免于房

詳見喪大記始死將斬衰者雞斯將齊衰者素冠今至小斂變髻婦人

髮者去笄纚而紛衆主人免于齊衰將袒以免代冠婦人

髻于室始死婦人將斬衰者去笄而纚將齊衰者骨笄而

纚今言髻者亦去笄纚而紛也齊衰以上至笄猶

喪禮上○既馮尸主人絞帶衆主人布帶衆主人齊衰以

○動尸舉柩袒而踊婦人不宜袒詳見喪禮義

右小斂變服○叔孫武叔之母死武叔公子牙之六世孫名州仇毀孔

者既小斂舉者出尸出尸袒且投其冠括髮尸出戶乃變服

失哀節冠素委貌子游曰知禮嗤之檀弓

男女奉尸夷於堂降拜賓主人即位襲帶經踊即位阼階之下位也

有襲經乃踊尊卑相變也母之喪即位而免記異者禮斬衰括髮齊衰免以至成服而冠為母重

初亦括髮既小斂則免乃奠小斂奠也喪大記○動尸舉柩袒而踊詳見小斂條

○大功以上散帶小功總輕初而絞之雜記○士舉男女奉尸俛于

堂主人拜賓即位襲經于序東乃奠士喪禮上

右奉尸俛於堂變服

君將大斂子弁經即位于序端子弁經者未成服弁如爵弁而素大夫之喪子亦弁

經○喪大記○主人及親者袒袒大斂變也不言髮免括髮小斂以來自若矣卒塗主

人復位襲乃奠士喪禮上○凡斂者袒遷尸者襲見小斂章○動尸

舉柩袒而踊同上○君若視斂主人及衆主人袒卒塗卒奠

君出門主人拜送襲入即位衆主人襲士喪禮上○既殯主人

說髦既殯置銘于殯復位時也今文說作稅兒生三月翦髮為髻男角女羈否則男左女右長大猶為飾存之謂之髦所以順父母幼小之心至此尸柩不見喪無飾可以去之髦之形象未聞○士喪記

右大斂殯變服

天子崩三日祝先服祝佐含斂先服五日官長服官長大夫士七日國

中男女服人庶三月天下服諸侯之大○三日授子杖五日

授大夫杖七日授士杖喪服○君之喪三日子夫人杖五

日既殯授大夫世婦杖三日者死之後三日也為君杖不

大夫之喪三日之朝既殯主人主婦室老皆杖士之喪二

日而殯三日之朝主人杖婦人皆杖士之禮死與往日生

者亦得三日也婦人皆杖謂主婦容與來日此二日於死

妾為君女子子在室者○喪大記○三日成服杖既殯

日全三日○三日絞垂成服日絞要經之

士喪禮上○士喪記

右成服

大夫卜宅與葬日有司麻衣布衰布帶因喪屨緇布冠不

斲占者皮弁有司卜人也麻衣白布深衣而著衰焉及布

純吉之尤者也占者尊於有司卜帶緇布冠此服非純吉亦非純凶也皮弁則

求吉其服彌吉大夫士朔服皮弁如筮則史練冠長衣以

筮占者朝服筮者筮宅也謂下大夫若士也筮史筮人也

朝服純吉服也大夫士長衣深衣之純以素也長衣練冠純凶服也

日朝服以朝也○雜記○筮宅主人皆往兆南北面免經

兆域也新營之處免卒筮主人經士喪禮上○聽卜有事於尸

則去杖喪大記

右筮宅卜日變服

丈夫鬢散帶垂為將啟變也此互文以相見耳喪服小

主人袒啟遷於祖正柩主人襲同○主人袒乃載卒束襲

祖為載變也○同上○祖為將商祝御柩乃祖襲上同○公賙主人及

衆主人祖尊君命也賓出主人送于門外襲上同○主人祖乃行

祖為行變也乃出宮襲上同○動尸舉柩祖踊見小斂章○非從

柩與反哭無免于壙言喪服出入非此二事皆冠也免所以代冠人於道路不可無飾壙道路

○雜記

右啟殯朝祖柩行變服

屬引主人祖乃窆主人襲贈用制幣元纁卒袒拜賓襲喪士

禮下○為兄弟既除喪已及其葬也反服其服詳見虞變服章○實

土主人拜鄉人襲如初土喪禮下○非從柩與反哭無免于壙

見上○遠葬者比反哭者皆冠及郊而后免反哭墓在

之外○

右葬及反哭變服○弁經葛而葬接神之道不可以純凶天子諸侯變

服而葬冠素弁以葛為環經既虞卒哭乃服受服也雜記曰凡弁經其衰侈袂周人弁而葬

殷人冔而葬周弁殷冔俱象祭冠而素禮同也○子墨衰經

敗秦師于殽以凶服從戎故墨之遂墨以葬文公晉於是始墨

後遂常以為俗記禮所由○魯莊公之喪既葬而經

不入庫門時子般弒慶父作亂閔公不敢居喪葬已

士大夫既卒哭麻不入麻猶經也羣臣畢虞卒哭亦

卒哭。○葬晉悼公。踰月而平公即位。平公悼改服。

脩官烝于曲沃。既葬改喪服。曲沃晉祖廟。烝冬祭也。

烝嘗於廟。今晉踰月葬。作主而烝祭。傳言晉將有溴梁之會。故速葬。襄十六年左氏傳。○王太

子壽卒。穆后崩。既葬除喪。以文伯宴。叔向曰。王一歲

而有三年之喪。二焉。於是乎以喪賓。宴樂憂甚矣。且

非禮也。三年之喪。雖貴。遂服禮也。詳見喪通禮哀戚章

主人及兄弟如葬。服賓執事者如弔服。葬服者既夕曰丈夫鬢散帶垂也。

祝免澡。葛經帶布席于室中。澡治也。治葛以為首經及帶。接神宜變也。然則士之屬官

為其長弔服加麻矣。至於既卒哭。主人變服則除。主人倚杖入。祝迎尸。一人衰經。

奉篋哭從尸。一人主人。兄第。○上虞禮。○虞杖不入于室。詳見士禮。○總

小功虞卒哭則免。棺柩已藏。嫌恩輕。可以不免也。言則既免者。則既殯先啓之間。雖有事不免。既

葬而不報虞。則雖主人皆冠。及虞則皆免。有故不得疾虞。雖主人皆冠。不

可久無飾也。皆免。自主人至總麻。為兄弟既除喪。已及其葬也。反服其服。

報虞卒哭。則免。如不報虞。則除之。小功以下。○有事于尸

則去杖。喪大記。

右虞變服

卒哭獻畢。乃餞賓出。丈夫說經帶于廟門外。既卒哭當變麻。受之以葛。

也。夕日則服葛者為禘期。今文說為稅。婦人說首經。不說帶。不說帶。齊斬婦人帶不變也。婦

人少變而重帶帶下體之上也大功小功者葛帶時亦不說者未可以輕文變於主婦之質至耐葛帶以卽位○士

虞○斬衰三升既虞卒哭受以成布六升冠七升傳問○衰

三升三升有半其冠六升以其冠爲受受冠七升詳見喪服制度

○去麻服葛葛帶三重葛帶三重謂男子也五分去一而四糾之帶輕既變因爲飾也婦人

葛經不葛帶舊說云三糾之練而帶去一股去一股則小於小功之經似非也○閒傳○婦人不葛

帶婦人質不變重者至期除之卒哭變經而已○檀弓○婦人葛經而麻帶謂既虞卒哭也

帶所以自結束也婦人質少變於喪之帶有除而無變○斬衰絞帶疏曰經帶至

葛絞帶虞後雖不言所變案公士衆臣爲君服布帶又齊衰以下亦布帶則絞帶虞後變麻服布於義可也○喪服

本○爲母疏衰四升受以成布七升冠八升傳問○齊衰四

升其冠七升以其冠爲受受冠八升詳見制度○齊衰大功冠

其受也帶緣各視其冠詳見喪服杖期章○女子子適人者爲其

父母卒哭子折筭首以筭布總傳曰折筭首者折吉筭之

首也吉筭者象筭也何以言子折筭首而不言婦終之也

有首者若今時刻鏤摘頭矣卒哭而喪之大事畢女子子可以歸於夫家而著吉筭折其首者爲其大飾也○詳見

喪服○大功三月受以小功衰卽葛九月者傳曰大功布九

升小功布十一升此受之下也以發傳者明受盡於此也又受麻經以葛經閒傳曰大功之葛與

小功之麻同凡天子諸侯卿大夫既虞士卒哭而受服正言三月者天子諸侯無大功至於大夫士也○喪服本章

○大功八升若九升小功十升若十一升不言七升者主於受服欲其文

相值○詳見制度○小功卽葛五月卽就也小功輕三月變麻因故衰以就葛經帶而五月也  
開傳曰小功之葛與總之麻同○詳見喪服

右既虞卒哭受服

總小功卒哭則免報虞卒哭則免詳見虞變服章○大夫士既卒

哭弁經帶金革之事無辟也詳見喪通禮動作章○巾車王之喪車

素車芴蔽犬禛素飾小服皆素詳見制度

右卒哭變服

總衰既葬除之喪服本章○公子爲其母麻衣爲其妻麻衣皆

既葬除之詳見喪服○既葬各以其服除卒哭當變衰麻者變之或有除者不視主

人○檀弓

右既葬除服

不杖麻屨喪服本章○疏衰無受無受者服是服而除不以輕服受之○大功無

受傳曰何以大功也未成人也何以無受也喪成人者其

文緝喪未成人者其文不緝故殤之經不繆垂蓋未成人

也緝猶數也其文數者謂變除之節也○其長殤皆九月其中殤皆七月○

大功卽葛九月○小功五月○小功卽葛五月○總麻三

月已上喪服○九月七月之喪三時也五月之喪二時也三月

之喪一時也言喪之節應歲時之氣○小記○除殤之喪者其祭也必元

殤無變文不緝元冠元端黃裳而祭不除成喪者其祭也

朝服縞冠成成人也縞冠未純吉祭服也○雖諸父昆弟

之喪如當父母之喪其餘諸父昆弟之喪也皆服其餘喪

之服卒事反喪服雖有親之大喪猶為輕服者除骨肉之

功之喪或終始皆在三年之中小功○兄弟之喪內除詳

大祥除服章

右不杖以下各以月數除服○閏月葬齊景公閏不

書此何以書據楚子昭喪以閏數也謂喪服大功以

月為數喪曷為以閏數據卒不喪數略也略猶殺也以

并閏數○哀五年春秋公羊傳

耐杖不升于堂詳見士○有父母之喪尚功衰而耐兄弟

之殤則練冠耐於殤詳見並有喪服章

右耐變服

練筮日筮尸視濯皆要經杖繩屨有司告具而后去杖筮

日筮尸有司告事畢而后杖拜送賓臨事去杖敬也濯謂

右練筮日筮尸變服

父母之喪十三月而練冠喪服○期之喪十一月而練此

父在為母也雜記○練練衣黃裏線緣小祥練冠練中衣以黃為



縗纁之類葛要經繩屨無絢角瑱以玉人君有瑱鹿裘衡

明外除衡當為橫字之誤也祛謂袞緣袂口也練而為裘橫

長祛廣之又長之又為祛則先時狹短無祛可知吉時麤

裘祛祛之可也祛表裘也有祛而祛之備飾也玉藻曰麤

檀引○期而小祥練冠縗緣要經不除男子除乎首婦人除

乎帶男子何為除乎首也婦人何為除乎帶也男子重首

婦人重帶除服者先重者易服者易輕者婦人重帶帶在

重之辟男子也其為帶猶下體之上婦人

五分經去一耳○間傳 ○三年之練冠亦條屬右縫詳

制 ○布總箭筭髮衰三年服 ○齊衰帶惡筭以終喪以卷

髮帶所以持身婦人質於喪所以自卷持者有除無變 ○小記 ○疏衰杖期喪 ○再期之

喪三年也期之喪二年也故期而祭禮也期而除喪道也

祭不為除喪也此謂練祭也禮正月存親親亡至今而期

則宜除不相期則宜祭期天道一變哀惻之情益衰衰

為也○小記 ○縗冠元武子姓之冠也謂父有喪服子為

卷也古者冠 ○巾車王之喪車藻車藻蔽鹿淺禛革飾詳

卷殊○玉藻 右練受服除服 ○季桓子喪康子練而無衰子游問

於孔子曰既服練服可以除衰乎孔子曰無衰衣者

不以見賓何以除焉家語 ○古者臣有大喪則君三年

不呼其門重奪孝子之恩也禮父母之喪三年不從

政齊衰大功之喪三月不從政故孔子曰

喪服變除

十

夏后氏三年之喪既殯而致事殷人既葬而致事周人卒哭而致事故君子不奪人之親亦不可奪親也

已練可以弁冕此說時衰正失非謂禮當然弁禮所謂皮弁爵弁也皮弁武冠爵弁文冠

夏曰收殷曰昃周曰弁加旒曰冕主所以入宗廟服金革之事謂以兵君使

之非也非古道也臣行之禮也臣順君命亦禮也閔子閔子騫要

經而服事禮已練男子除乎首婦人除乎帶既而曰若此乎古之道

不即人心既事畢言古者不敢斥君即近也退而致仕退還身也致仕還祿仕于

君孔子蓋善之也善其服事外得事君之義致仕內不失親親之恩○宣元年公羊傳

大祥吉服而筮尸凡變除者必服其吉服以即祭事不以凶臨吉也閒傳曰大祥素縞麻衣○小

記

右大祥筮尸變服

父母之喪三年而祥喪服四制○期之喪十三月而祥此謂父母在為母

也○祥主人之除也於夕為期朝服祥因其故服為祭

雜記○期也朝服以期至明日而祥祭亦朝服始即吉正祭服也喪服小記曰除成喪者其祭也朝服縞冠是也祭猶縞冠

未純吉也既祭乃服大祥素縞麻衣釋禫之禮云元衣黃裳則是禫祭元冠矣黃裳者未大吉也既祭乃服禫服朝

服縞冠踰月吉祭乃元冠朝服既祭乃服禫服朝祭元端而居復平常也○雜記○祥而縞縞冠素紕○

縞冠素紕既祥之冠也紕緣邊也紕讀如埤益之埤既祥之冠也已祥祭而服之也閒傳曰

大祥素縞麻衣○又期而大祥素縞麻衣喪服小記曰除成喪者其祭也朝服

縞冠此素縞者玉藻所云縞冠素紕既祥之冠麻衣十五升布深衣也謂之麻者純用布無采飾也大祥除衰杖○

禮書綱目

卷二十

喪服變除

十一

傳○弃杖者斷而弃之於隱者杖以喪至尊為人得而褻之也○喪大記○三

年之喪二十五月而畢詳見喪服義○親喪外除日月已竟而哀未忘兄

弟之喪內除日月未竟而哀已殺○雜記○有父之喪如未沒喪而母

死其除父之喪也服其除服卒事反喪服沒猶竟也除服謂祥祭之服也

卒事既祭反喪服後死者之服○同上○曾子問曰大夫士有私喪可以除

之矣而有君服焉其除之也如之何孔子曰有君喪服於

身不敢私服又何除焉於是乎有過時而弗除也君之喪

服除而後殷祭禮也會子問曰父母之喪弗除可乎孔子

曰先王制禮過時弗舉禮也非弗能勿除也患其過於制

也故君子過時不祭禮也詳見喪變禮並有喪章○巾車王之喪車

駟車薳蔽然禛髮飾詳見喪服制度

右大祥除服○素冠刺不能三年也詩序庶見素冠兮

棘人欒欒兮勞心博博兮賦也庶幸也縞冠素紕既祥之冠也黑經白緯曰縞

緣邊曰紕棘急也喪事欲其總總爾哀遽之狀也欒欒瘠貌博博憂勞之貌○祥冠祥則冠之禫則除之

今人皆不能行三年之喪矣安得見此庶見素衣兮

我心傷悲兮聊與子同歸兮賦也素冠則素衣矣與子同歸愛慕之辭也

庶見素鞞兮我心蘊結兮聊與子如一兮賦也鞞蔽膝也韠蔽

為之冕服謂之鞞其餘曰鞞鞞從裳色素衣素裳則素鞞矣蘊結思之不解也與子如一甚於同歸矣○

風檜 ○有子蓋既祥而絲屨組纓譏其早也禮既祥白

弓檀

中月而禫自喪至中中猶間也凡 ○期之喪十五月而禫

此謂父在為 ○中月而禫禫而織無所不佩黑經白緯曰

母也○雜記 ○中月而禫禫而織無所不佩織舊說織冠

者采纓也無所不佩紛悅之屬 ○巾車王之喪車漆車藩

如平常也織或作綾○閒傳 蔽豸襜雀飾詳見制度

右禫易服 ○惟三祀十有二月朔湯以元年十一月

崩至此二十六月 服闋伊尹以冕服奉嗣王歸于亳冕冠也踰月即

孤子當室冠衣不純采早喪親雖除喪不忘哀也謂年未

三十者三十壯有室有代親之端

不為孤也當室適子也深衣 ○孤子衣純以素三十已下

日孤子衣純以素○曲禮 右既孤易服

曾子問曰父母之喪既引及塗聞君薨如之何孔子曰遂

既封改服而往封亦當為窆改服括髮徒跣布深衣 ○父

母之喪偕先葬者不虞耐待後事其葬服斬衰偕俱也謂

日死也先葬者母也曾子問曰葬先輕而後重又曰反葬

奠而後辭于殯遂修葬事其虞也先重而後輕待後事謂

如此也其葬服斬衰者喪之隆哀宜從重也假令父死在

前月而同月葬猶服斬衰不葬不變服也言其葬服斬衰

則虞耐各以其服矣及練祥 ○除服者先重者易服者易

皆然卒事反服重○小記

喪服變除

輕者易服謂為後斬衰之喪既虞卒哭遭齊衰之喪輕者

包重者特說所以易輕者之義也既虞卒哭謂齊衰可易

斬衰之葛謂男子帶婦人經也重者宜主於尊謂男子之

經婦人之帶特其葛不變之也此言包特者明于卑可以

兩施而尊既練遭大功之喪麻葛重此言大功可易斬服

者不可貳子除經而帶獨存婦人除帶而經獨存謂之單單獨也遭

大功之喪男子有麻經婦人有麻帶又皆易其輕者以麻

謂之重麻既虞卒哭男子帶其故葛帶經期之齊衰之喪

葛經婦人經其故葛經帶期之葛帶謂之重葛

既虞卒哭遭大功之喪麻葛兼服之此言大功可易齊衰

也不言包特而兩言者包特著其義兼者明有經有帶耳

不言重者三年之喪既練或無經或無帶言重者以明今

皆有期以下固皆有矣兩者有麻有葛耳葛者亦特其重麻者亦包其輕

斬衰之葛與齊衰之

麻同齊衰之葛與大功之麻同大功之葛與小功之麻同

小功之葛與總之麻同麻同則兼服之此章言有上服既

差也唯大功有變三年既練之服小功以下則於上皆無

易焉此言大功之葛與小功之麻同小功之葛與總之麻

同主為大功之兼服之服重者則易輕者也服重者謂特

男子與婦人也凡下服虞卒哭男子反其故葛帶婦人反

其故葛經其上服除則固自受以下服之受矣○閒傳

○除喪者先重者謂練男子除乎帶易服者易輕者謂大喪

哭而遭小喪也其易喪服男子○小記○斬衰之葛與齊衰之麻

同經之大俱七寸五分寸之一齊衰之葛與大功之麻同

帶五寸二十五分寸之十九

經之大俱五寸二十五分寸之十九

帶四寸百二十五分寸之七十六

二事也兼服之謂服麻又服葛也男子則經上服之葛帶  
下服之麻婦人則經下服之麻固自帶其故帶也所謂易  
服易輕者也兼服之○麻之有本者變三年之葛有本謂  
大功以

上也小功以下燥○殤長中變三年之葛終殤之月算而  
麻斷本○服問

反三年之葛是非重麻為其無卒哭之稅下殤則否謂大  
功之

親為殤在總小功者也可以變三年之葛正親親也三年  
之葛大功變既練齊衰變既虞卒哭升喪卒哭受麻以葛

殤以麻終喪之月數非重之而不變為殤未成人文不緝  
耳下殤則否言賤也男子為大功之殤中從上服小功婦

人為之中從下○大夫有私喪之葛則于其兄弟之輕喪  
服總麻○同上

則弁經私喪妻子之喪也輕喪總麻也大夫降焉  
弔服而往不以私喪之未臨兄弟○雜記○三年

之喪雖功衰不弔自諸侯達諸士如有服而將往哭之則

服其服而往詳見  
弔禮○有三年之練冠則以大功之麻易之

唯杖屨不易謂既練而遭大功之喪者也練除首經要經  
葛又不如大功之麻重也言練冠易麻互言

之也唯杖屨不易言其餘皆易也屨○既練遇麻斷本者  
不易者練與大功俱用繩耳○雜記

於免經之既免去經每可以經必經既經則去之雖無變  
緣練無

首經于有事則免經如其倫免無不小功不易喪之練冠  
經經有不免其無事則自若練服也

如免則經其總小功之經因其初葛帶總之麻不變小功

之葛小功之麻不變大功之葛以有本為稅稅亦變易也  
小功以下之

麻雖與上葛同猶不變也此要其麻有本者乃變上耳雜  
記曰有三年之練冠則以大功之麻易之唯杖屨不易也

○服 ○三年之喪既練矣有期之喪既葬矣則帶其故葛

帶經期之經服其功衰

帶其故葛帶者三年既練期既葬差相似也經期之葛經三年既練

首經除矣為父既練衰七升母既葬衰八升凡齊衰既葬衰或八升或九升服其功衰服麤衰有大功之

喪亦如之

大功之麻變三年之練葛期既葬之葛帶小于練之葛帶又當有經亦反服其故葛帶經期之

經差之宜也此雖變麻服葛大小同耳亦服其功衰小功凡三年之喪既練始遭齊衰大功之喪經帶皆麻

無變也

無所變於大功齊斬之服 ○如三年之喪則既穎不用輕累重也 ○同上

其練祥皆行

言今之喪既服穎乃為前三年者變除而練祥祭也此主謂先有父母之服今又喪長子

者其先有長子之服今又喪父母其禮亦然則言未沒喪者已練祥矣穎草名無葛之鄉去麻則用穎 ○雜記

○有父母之喪尙功衰而附兄弟之殤則練冠附於殤此

弟之殤謂大功親以下之殤也斬衰齊衰之喪練皆受以大功之衰此謂之功衰以是時而附大功親以下之殤大

功親以下之殤輕不易服 ○同土

右竝有喪服

久而不葬者唯主喪者不除其餘以麻終月數者除喪則

已 其餘謂旁親也以麻終月數 ○三年而后葬者必再祭

其祭之間不同時而除喪 詳見卒哭耐練祥禫記練章 ○司徒文子曰

喪服既除然後乃葬則其服何服子思答曰三年之喪未

葬服不變除何有焉期大功之喪服其所除之服以葬既

葬而除之 孔叢子

右久不葬服

改葬總明謂墳墓以他故崩壞將亡失尸柩者也言改葬者之廟從墓之墓禮宜同也服總者臣為君也子為父也妻為夫也必服總者親見尸柩不可以無服總三月而除之

○喪服記  
右改葬服○葬桓王改葬也改葬之禮總舉下緇也

總者五服最下言舉下緇上從總皆反其故服因葬桓王記改葬之禮不謂改葬桓王當服總也江熙曰葬稱公舉五等之上改葬禮總舉五服之下以喪緇藐遠天子諸侯易服而葬以為交於神明者不可以純凶況其緇者乎是故改葬之禮其服唯輕言緇釋所以總也○莊三年穀梁傳○司徒文

子改葬其叔父問服於子思子思曰禮父母改葬總既葬而除不忍無服送至親也非父母無服無服則

弔而加麻孔叢

君弔則復殯服詳見喪大記殯後受弔章○君弔雖不當免時也主人

必免不散麻雖異國之君免也親者皆免不散麻者自若

貶於大斂之前既啟之後也親者大功絞垂為人君變以上也異國之君免或為弔○小記○諸侯弔所弔雖

已葬主人必免必免者尊人君為之變也○同上○凡喪服未畢有弔者

則為位而哭拜踊容始來主人不可以殺禮待之○雜記○主人未除喪有

兄弟自他國至則主人不免而為主親質不崇敬也○小記○子游

曰既祥雖不當縞者必縞然後反服謂有以喪事贈賵來者雖不及時猶變服

服祥祭之服以受之重其禮也其於此時始弔者則衛將軍文子之為之是矣反服反素縞麻衣也○雜記



右受弔變服○晉侯彪卒既葬諸侯之大夫欲因見

新君叔向辭之曰大夫之事畢矣送葬禮畢而又命孤孤

斬焉在衰經之中既葬未卒哭故猶服斬衰其以嘉服見則喪禮

未畢其以喪服見是重受弔也大夫將若之何皆無

辭以見昭十年左氏傳○將軍文子之喪既除喪而后越人

來弔主人深衣練冠待于廟垂涕洟主人文子之子簡子瑕也深衣

練冠凶服變也待于廟受弔不迎賓也子游觀之曰將軍文氏之子其

庶幾乎亡於禮者之禮也其動也中中禮之變檀弓

生不及祖父母諸父昆弟而父稅喪已則否謂子生於外者也父以他

故居異邦而生己不及此親存時歸見之今其死於喪

服年月已過乃聞之父為之服已則否者不責非時之恩

於人所不能也當其時則服稅讀如無禮為君之父母妻

則稅之稅稅喪者喪與服不相當之言為君之父母妻

長子君已除喪而后聞喪則不稅臣之恩輕也謂卿大夫出聘問以他故久留

降而在總小功者則稅之謂正親在齊衰大功者正親總小功不稅矣曾子曰小功不稅

則是遠兄弟終無服也此句補近臣君服斯服矣其餘從

而服不從而稅謂君出朝親不時反而不知喪者近臣君闈寺之屬也其餘羣介行人宰史也君

雖未知喪臣服已從服者所從雖在外自若服也○小記○曾子曰小功不

稅據禮而言也日月已過乃聞喪而則是遠兄弟終無服稅服曰稅大功以上然小功輕不服

也言相離遠者聞之恆晚而可乎以己意怪檀弓

右稅服

席蓋重素不入公門

席蓋載喪車也。襍記曰：士輔葦席。苞以為裳，帷重素衣裳皆素喪服也。

履扱衽厭冠不入公門

此皆凶服也。苞，蕉也。齊衰，蕉劑之。非也。問喪曰：親始死，扱上衽，厭猶

伏也。喪冠厭伏苞或為菲。

書方衰凶器不以告不入公門

此謂喪在內，不得入當

先告君耳。方板也。士喪禮下篇曰：書贈于方若九若七若五凶器明器也。○曲禮

○三年之喪以

衰裳入朝非禮也是謂君與臣同國

臣有喪事而不歸反服其衰裳以入朝是

謂君臣同國無尊卑也有喪不歸唯君耳臣有喪當致仕而歸。○禮運

○凡見人無免經雖

朝於君無免經唯公門有稅齊衰

詳見喪服義

○季武子寢疾

蟻固不說齊衰而入見曰斯道也將亡矣士唯公門說齊

衰

季武子魯大夫季孫夙也。世為上卿，強且專政，國人武事之如君。蟻固能守禮，不畏之。矯失俗也。道猶禮也。

子曰不亦善乎君子表微

時無如之何，佯若善之表，猶明也。○檀弓

紳執玉不麻麻不加于采

吉凶不相于也。麻謂經也。紳大帶也。喪以要經代大帶也。麻不

加於采，采者不麻，謂弁經者必服弔服是也。采，元纁之衣。○雜記

○凡帶必有佩玉唯喪

否

喪主於哀去飾也。凡謂天子以下至士。○玉藻

○小功不說笏當事免則說之免悲哀哭踊之時不在於記事也。小功輕不當事可以摺笏也。○同上

○君之喪子大夫寢

門之外杖寢門之內輯之夫人世婦在其次則杖即位則

使人執之子有王命則去杖國君之命則輯杖聽卜有事

于尸則去杖大夫于君所則輯杖于大夫所則杖

輯斂也斂者謂

舉之不以拄地也夫人世婦次於房中即位堂上堂上近尸殯使人執杖不敢自持也子於國君之命輯杖下成君不敢敵之也卜卜葬卜日也凡喪祭虞而有尸大夫於君所輯杖謂與之俱即寢門外位也獨焉則杖君謂子也於大夫所杖俱為大夫之喪大夫有君命則去杖大夫之命君杖不相下也

則輯杖內子為夫人之命去杖為世婦之命授人杖大夫有君命去杖此指大夫之子也而云大夫者通實大夫有父母之喪也授人杖與使人執之同也士之喪于君命夫人之命如大夫于大夫世婦之命如大夫子皆杖

不以即位子謂凡庶子也不以即位與去杖同大夫士哭殯則杖哭柩則輯杖哭殯謂既塗也哭柩謂啓後也大夫士之子於父也杖尊近哭殯可以杖天子諸侯之子於父也君也尊遠杖不入廟門

○父在不敢杖矣尊者在故也堂上不杖辟喪大記

尊者之處也

父在不杖謂為母喪也尊者在不在杖辟尊者之處不杖有事不趨皆為其感動使之憂戚

也○傳曰公卿大夫室老士貴臣其餘皆眾臣也

杖不以即位

喪服傳

○為長子杖則其子不以杖即位辟尊者

雜記

○為妻父母在不杖不稽顙

尊者在不在敢盡禮於私喪也

○庶子

不以杖即位

下適子也位朝夕哭位也

父不主庶子之喪則孫以杖即位

位可也

祖不厭孫孫得伸也

父在庶子為妻以杖即位可也

舅不主妾之喪

子得伸也

○女未廟見而死壻不杖不菲不次

曾子問

○童

子何以不杖不能病也婦人何以不杖亦不能病也

詳見喪服

斬衰章

○童子不杖不菲

雜記

○古者貴賤皆杖叔孫武叔朝

禮記

卷二十一

喪服變除

二十

見輪人以其杖關轂而輟輪者於是有爵而后杖也記庶人失

禮所由始也叔孫武叔魯大夫叔孫州仇也輪人作車輪之官○同上 ○八十齊喪之事弗

及也王制○七十致政唯衰麻為喪同上○五十不成喪成猶備也

所不能備謂不致七十唯衰麻在身言其餘居處飲食與毀不散送之屬也

○五十不散送送喪不散麻始衰不備禮○玉藻 ○子幼則以衰抱之人

為之拜大記○童子無總服聽事不麻皆為幼小不備禮也雖不服總猶免深衣

無麻往給事也○玉藻 ○或問曰免者以何為也怪本所為施也曰不冠者

之所服也禮曰童子不總唯當室總總者其免也當室則

免而杖矣不冠者猶未冠也當室謂無父兄而主家者也童子不杖不杖者不免當室則杖而免免冠之

細別以次成人也總者其免也言免乃有總服也○問喪 ○婦人不宜祖同上○禿者不


鬢偃者不袒喪服四制○然則禿者不免偃者不袒跛者不踊

非不悲也身有錮疾不可以備禮也偃背曲也○問喪

右雜記喪服之變

同邑後學 戴揚休 俞肇綸校

俞鎮璣



文正一五

